



Javno preduzeće

ELEKTROPRIVREDA BOSNE I HERCEGOVINE

ELEKTROPRIVREDA BOSNE I HERCEGOVINE d.d.

d.d. - Sarajevo

SARAJEVO
PODRUŽNICA TERMoelektrana "Kakanj"

PRIMIJENO 24.7.2026.
BROJ PROTOKOLA 10486-1/2026
ORGANIZACIJA
JEDINICA 02-45-

Sarajevo, 23-07-2026
Broj: 02- 23144-1/25

Na osnovu članova 64. stav (1) tačka b), 70., 71. i 88. Zakona o javnim nabavkama BiH ("Službeni glasnik BiH" broj 39/14, 59/22 i broj 50/24), Pravilnika o uslovima i načinu korištenja e-aukcije ("Službeni glasnik BiH" broj 80/23), člana 95. Statuta JP Elektroprivreda BiH d.d. - Sarajevo broj: (prečišćeni tekst) broj: NO-2190/21-41./2. od 25.01.2021. godine i broj: SD-20745/21-70./6. od 30.07.2021. godine, člana 5. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva - Prečišćeni tekst - broj: 06-8661-1/23 od 10.03.2023. godine, broj U-01-40623-1/23-18/34 od 14.11.2023. godine, broj U-01-2332-1/25-137/26 od 28.01.2025. godine i broj U-01-12945-1/26-243/21 od 28.04.2026. godine, Izvršni direktor za proizvodnju, na preporuku Komisije za javne nabavke, d o n o s i

O D L U K U

o izboru prihvatljivog ponuđača po Konkurentskom zahtjevu za dostavu ponuda uz korištenje e – aukcije u predmetu "Nabavka četkica za klizne prstenove turbogenerators" za potrebe Podružnice Termoelektrana "Kakanj" Kakanj

Član 1.

Po Konkurentskom zahtjevu za dostavu ponuda uz korištenje e-aukcije u predmetu "Nabavka četkica za klizne prstenove turbogenerators" za potrebe Termoelektrana "Kakanj" Kakanj, po Tenderu broj 2000045646, kao prihvatljivi ponuđač izabran je:

GRAFIT FAME d.o.o. Zenica sa cijenom od 14.575,00 KM (bez PDV-a).

Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima i time ih obavijesti o rezultatima postupka predmetne javne nabavke.

Član 3.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke, dostavi dokumente iz člana 45. stav (2) tačke c) i d) Zakona o javnim nabavkama BiH navedene u tački 3.3 Konkurentskog zahtjeva za dostavu ponuda broj: 2000045646.

Obrazloženje

Konkurentski zahtjev za dostavu ponuda uz korištenje e-aukcije broj 2000045646, u predmetu Nabavka četkica za klizne prstenove turbogenerators za potrebe Podružnice Termoelektrana "Kakanj" Kakanj pokrenut je Odlukom o pokretanju konkurentskog zahtjeva za dostavu ponuda i imenovanju Komisije za javnu nabavku broj 02-45-2/3-3842-1/26 od 13.03.2026. godine. Obavještenje o javnoj nabavci broj: 1424-7-1-98-3-156/26 je ugovorni organ objavio dana 22.05.2026. godine na Portalu www.ejn.gov.ba i u "Službenom glasniku BiH" broj 37 od 29.05.2026. godine.

Po Konkurentskom zahtjevu za dostavu ponuda uz korištenje e-aukcije, Tender broj 2000045646 ponude su dostavili sljedeći ponuđači:

– **SR METALIKA Z Vojka Srbija**

- **GRAFIT FAME d.o.o. Zenica**
- **WRIGG GIL d.o.o. Sarajevo.**

U Zapisniku o pregledu i ocjeni ponuda od 01.07.2026. godine, nakon izvršenog otvaranja, pregleda i ocjene primljenih ponuda, analizom ponuda vezano uz ispunjenje zahtjeva u pogledu opisa predmeta nabavke, tehničke specifikacije i usklađenosti sa tehničkim kriterijima Komisija za javne nabavke je utvrdila da ponuđači SR METALIKA Z Vojka Srbija i WRIGG GIL d.o.o. Sarajevo nisu zadovoljili zahtjev tražen tačkom 7. b) tenderske dokumentacije broj 2000045646, kojom je traženo od ponuđača da dostave:

"katalošku dokumentaciju ponuđene opreme sa jasno obilježenim (podvlačenjem, precrtavanjem, markiranim i sl.) tehničkim karakteristikama četkica koje potvrđuju usklađenost sa zahtjevima iz tehničke specifikacije 01-mk/26."

Zapisnikom od 01.07.2026. godine, Komisija je konstatovala da ponuda ponuđača SR METALIKA Z Vojka Srbija nije prihvatljiva iz sljedećih razloga: Ponuđač SR METALIKA Z Vojka Srbija u svojoj ponudi broj 46/2026 od 05.06.2026. godine na strani broj 1 u Aneksu 1 - Obrazac za cijenu ponude, nudi ekvivalent u kojem navedene karakteristike ne zadovoljavaju iste za traženu robu. Iz tabele i kataloških listova se vidi da ponuđeni materijal LFC554 za tvrdoću prema HR10/20 ima vrijednost vrijednost 12, dok se tenderskom specifikacijom zahtjeva minimalna vrijednost navedenog parametra 75 i veća. Zbog navedenog se ponuda ponuđača, u skladu sa članom 2. tačka 1) Zakona o javnim nabavkama BiH u vezi sa tačkom 7. b) tenderske dokumentacije broj 2000045646 odbacuje kao neprihvatljiva.

Zapisnikom od 01.07.2026. godine, Komisija je konstatovala da ponuda ponuđača WRIGG GIL d.o.o. Sarajevo nije prihvatljiva iz sljedećih razloga: Ponuđač WRIGG GIL d.o.o. Sarajevo u svojoj ponudi broj 287/26 od 11.06.2026. godine na strani broj 2/22 u Aneksu 1 - Obrazac za cijenu ponude, nudi ekvivalent u kojem navedene karakteristike ne zadovoljavaju iste za traženu robu. Iz tabele i kataloških listova se vidi da je tip materijala HG6634. Na strani 10/22 ponude su date tehničke karakteristike materijala. Između ostalog u karakteristikama je dat i grafik pada napona u ovisnosti o gustini struje gdje se vidi da je vrijednost od 1,5V koju Ponuđač navodi kao vrijednost u tabeli na strani 2 zapravo dobivena za gustoću struje od 3A/cm², međutim to ne odgovara traženoj vrijednosti obzirom da je 3A/cm² manja vrijednost od one zahtjevanje tehničkom specifikacijom (>10A/cm²). Slična situacija se ponavlja i sa vrijednošću koeficijenta trenja gdje je iz grafika uzeta vrijednost 0,15 i unesena u tabelu ali se iz grafika vidi da se ta vrijednost dobiva pri obodnoj brzini od 20m/s, što se razlikuje od vrijednosti zahtjevanje tehničkom specifikacijom (≥70m/s). Zbog navedenog se ponuda ponuđača, u skladu sa članom 2. tačka 1) Zakona o javnim nabavkama BiH u vezi sa tačkom 7. b) tenderske dokumentacije broj 2000045646 odbacuje kao neprihvatljiva.

U Zapisniku o pregledu i ocjeni ponuda od dana 01.07.2026. godine, nakon izvršenog otvaranja, pregleda i ocjene primljenih ponuda, prihvatljivosti ponuda prema obliku, sadržaju i potpunosti, te zadovoljavanja kvalifikacijskih i tehničkih zahtjeva, izvršeno je rangiranje prihvatljivih ponuđača na osnovu kriterija "najniža cijena" kako slijedi:

Osvojena pozicija	Naziv ponuđača i sjedište	Iznos ponude
1.	GRAFIT FAME d.o.o. Zenica	14.575,00 KM

Na osnovu ukupne ocjene ponuda prema kriteriju za dodjelu ugovora "najniža cijena" i u skladu članom 4. stav 2. Pravilnika o uslovima i načinu korištenja e-aukcije, a s obzirom na to da je primljena jedna prihvatljiva ponuda koja zadovoljava sve postavljene zahtjeve iz tenderske dokumentacije broj

2000045646, Komisija za javne nabavke ugovornog organa je predložila da se izvrši izbor prihvatljive ponude ponuđača GRAFIT FAME d.o.o. Zenica sa cijenom od 14.575,00 KM (bez PDV-a), a sve u skladu sa Zapisnikom o pregledu i ocjeni ponuda od 01.07.2026. godine.

Iz navedenih razloga, donesena je Odluka kao u dispozitivu.

Pravna pouka:

Protiv ove Odluke može se podnijeti žalba ugovornom organu JP Elektroprivreda BiH d.d. Sarajevo, Podružnica Termoelektrana "Kakanj", Kakanj u roku od 5 (pet) dana od dana prijema ove Odluke. Žalba se podnosi u najmanje 3 (tri) primjerka.

Dostaviti:

- Ponuđačima
- Služba za komercijalne poslove
- a/a

